

Uunga siunnersuut: Inissianik attartortitsisarneq pillugu Inatsisartut peqqussutaata allangortinneqarnissaa pillugu Inatsisartut inatsisaat nr. xx, xx. xxx 2019-imeersaq
(Pisortat inissiaataanni uumasuuteqarnissamut tunngatillugu maleruagassat allangortinneqarnerat aamma attartortup toqukkut qimagunnerani il.il. attartukkap tiguneqartarnera pillugu)
(Ineqarnermut Attaveqaqatigiinnermullu Naalakkersuisoq)

Saqqummiussissut

(Ineqarnermut Attaveqaqatigiinnermullu Naalakkersuisoq)

Siullermeerneqarnera

Naalakkersuisut sinnerlugit matumuuna inissianik attartortitsisarneq pillugu Inatsisartut peqqussutaata allangortinneqarnissaa pillugu Inatsisartut inatsisaannut siunnersuut saqqummiutissavara.

Inissianik attartortitsisarneq pillugu Inatsisartut peqqussutaannut nr. 2, 12. maj 2005-imeersumut ilanngussaq 4-imi ileqqorissaarnissamut maleruagassat, aallaaviatigut inissiami attartortittakkani pisortanit pigineqartuni qimmiuteqarnissaq qitsuuteqarnissarlu akuerisaalertussanngorlugu, allangortinneqassat, 2018-imi ukiakkut ataatsimiinnermi aalajangiiffigisassatut siunnersuummik saqqummiisoqarpoq.

Siunnersuut malillugu Namminersorlutik Oqartussat aamma kommunit inissiaataanni attartortittakkani uumasuuteqarnissaq aallaaviatigut akuerisaavoq. Tamatuma kingunerisaanik attartortut akuersissutip, qimmiuteqarnermut qitsuuteqarnermullu malittarisassat kommunimi pineqartumi atuuttut naapertorlugit kommunimit piumasaaqatigineqartup, saniatigut uumasuuteqarnissamut sioqqutsisumik akuersissummik peqartariaarutissapput.

Attartortunik qimmiuteqarnissamik imaluunniit qitsuuteqarnissamik kissaateqartoqartoq kiisalu attartortut ilaasa tamatuma akuerisaanissaa kissaatiginngikkaat, Naalakkersuisut eqqumaffigaat. Kissaatigineqartut imminnut akerleriittut taakkua naammassiniarlugit, taamaakkaluartoq najugaqatigiiffimmi pineqartumi uumasuuteqarnissaq akuerisaassanngitsaq, siunnersuut malillugu siulersuisut aalajangiinissamut piginnaatinneqarput. Tamatumani sapigaqartut allallu tamatuma akuerisaannginnissaanik kissaateqartut pisortat inissiaataanni attartortittakkami najugaqaannarnissamut periarfissaqarnissaat, qulakkeerniarneqarpoq. Attartortut najugaqatigiiffimmi ineqarfigisaminni uumasuuteqarnissaq akuerisaassanersoq, najugaqartut oqartussaaqatigiinnerat aqutugalugu taamaalillutik sunniuteqarsinnaapput.

Attartortunut piffissami attartorfiusumi qimmiuteqarnissamik imaluunniit qitsuuteqarnissamik kissaateqartunut, qularnaveeqqusiussassaq qaammatini pingasuni ineqarnermut akiliutip annertoqqatigaa. Qularnaveeqqusiussassaq tassaavoq aningaasat qularnaveeqqusiussap nalinginnaasup, attartornissamut isumaqatigiissuteqarnermi akilerneqartussap, saniatigut akilerneqartussaq.

Immikkut qularnaveeqqusiinissaq pillugu aalajangersakkami naqqit silinissaannut allanillu ajoqusiinernut uumasuutinit piliarineqarsinnaasunut immikkut aningaasartuuteqarnissaq naammassiniarneqassaaq, ilanngullugit uumasuuteqarnermut atasumik aningaasartuuteqarnerit, assersuutigalugu inissiami kumaajaaneq ilaalu ilanngullugit. Naliginnaasumik aserfallatsaaliuinissamik qularnaveeqqutit sinnerlugit aningaasartuuteqartoqarsimappat, kinguneqaatigisinnaavaa attartortoq akiliisimannikkuni akiligassinneqarsinnaanera. Taamaattumik erseqqissaatigineqassaaq ineqarnermut akiliutissamut akiligassat annertusinerinik kinguneqarsinnaammat.

Allannguutissatut siunnersuummi immikkoortup aappaa, 2019-imi upernaakkut ataatsimiinnermi siunnersuut tunngavigalugu suliarineqarpoq. Siunnersuutigineqarpoq inissianik attartortitsisarneq pillugu Inatsisartut peqqussutaannut nr. 2, 12. maj 2005-imeersumi § 60 allanngortinneqassasoq, taamaalilluni siunissami attartortup toqkkut qimagunnerani attartukkamik attartortumut qanigisaasut tigusinissaannut maleruagassat sukanninnginnerusut atuutilissallutik.

Attartortup toqkkut qimaguttup katissimallugu aapparisa, aappaatut nalunaarsorsimasoq, meera 18-it sinnerlugit ukiullit kiisalu angajoqqaavi attartukkamik tigusinissamut, siunnersuummi periarfissinneqarput. Siunnersuummi ilaatinneqanngillat attartortup qatanngutai imaluunniit ungasinnerusumik ilaqtai. Tamatuma saniatigut toqkkut qimaguttup sulisunut inissiap najugaata tigusinissaannut, katissimallugu aapparisa, aappaatut nalunaarsorsimasoq imaluunniit inooqataa nalinginnaasumik inissiamut utaqqisut allattorsimaffianni allatsissimassasoq, piumasaqaataajunnaarpoq.

Attartortoq toqkkut qimaguttoq inooqatigisimannikkaanni, taamaallaat najugaqatigisimagaanni imaluunniit attartortup ineeraq allamut attartortissimappagu, siunnersuut atuutissanngilaq.

Taamatut oqaaseqarlunga Naalakkersuisut sinnerlugit immikkoortoq Inatsisartuni suliassanngortippara.